

Vg
5017





ODE
QVA MEMORIAM
PACIS
AVGVSTANAE

SAECVLAREM
SCHOLA PLAVIENSIS

PSALLENS

CELEBRABAT

DIE VI. OCTOBR. c1c1c2CCLV

SCRIPTA

AB

ERNESTO ADOLPHO THEODORO VVESTHOFIO,



PLAVIAE, LITTERIS HALLERIANIS.



AVGVSTANAE

Nunc Iotiae nomen canite, o fodales,
Saeculo festam referente lucem,
Nemo quam nostrum potuit videre,
Nemo videbit.

Laudibus dignis celebrate Fratres
Saxonas, Ledaee similes gemellis:
Vos et Augusto populorum amori
Dicite grates.

Ciuum ciues manibus peribant
Antea, multum patria gemente,
Et tubae Martis lituique ad arma,
Arma vocabant.

Maurici virtus Sociique fratris
Reddidit paces misere petitas,
Hic domi clarus, celerique telo
Nobilis alter.

Cen

Ceu grauis somno leo, multa pectus
Maurici immotum tulerat nefanda,
Ultio nondum facie tremenda
strinxerat ensem.

Surgit: excitus que fremens phalangas,
Quo vocat mors frigida, quoue pallor,
Aere florentes agit, ipse magni
Agminis instar.

Iam cito cursu Zephyros et Euros
More praeuertens aquilae, subactis
Vrbibus castrisque volat per ipsas
Letifer Alpes.

Nec tamen pacis medio in furore
Immemor Saxo ciet vsque puggnas.
Est fatis, bello pepulisse bellum:
Tendit oliuas.

O decus frater, iuuat inchoasse,
Inquit, absoluet tua rite dextra:
Gloria iungi decet hac vtrosque
Sanguine iunctos.

Vrguet Augusti pietas et ardor,
Instat, ac tandem, superis benignis,
Tertium post annum opus illud ingens
Perficit vnus.

En

Fig. 5017 M

En tibi Germania fessa longo,
En tibi pacem reducem, tumultu,
Nec dolo post vi neque Martiali
Sede mouendam!

Aequitas adstat radians, fidesque
Necia inflecti, pietasque coelo
Inerens, fulgetque beata pleno
Copia cornu.

Fallor, aut arae subito mouentur
Thura iam ferri pia sentientes:
Redditum laeto peragit tenorem
Pectore Musa.

Iam pedum pulsu tremit alma tellus:
Ardui, io io simul audiere,
Gestiunt montes, et io iocosa
Aura remugit.

Rite sic, denis decies peractis
Messibus, casti faciant nepotes!
Mente sic pura faciant nepotum
Saepe nepotes!



ULB Halle
006 568 076

3



VD18







ODE
QVA MEMORIAM
PACIS
AVGVSTANAE

SAECVLAREM
SCHOLA PLAVIENSIS

PSALLENS

CELEBRABAT

DIE VI. OCTOBR. c1o1oCCLV

SCRIPTA

AB

ERNESTO ADOLPHO THEODORO VVESTHOFIO,



PLAVIAE, LITTERIS HALLERIANIS.

